

**Series Romanorum Pontificum Cum Reflexionibus
Historicis**

Kolb, Gregor

Augustæ Vindelicorum, 1727

VD18 14497719

Reverendissimi & Amplissimi, Excellentissimi Et Illustrissimi, Perillustres,
Nobiles, Strenui, Consultissimi, Spectatissimi ac Expertissimi, Anterioris
Austriæ Inclyti Status Provinciales, ...

[urn:nbn:de:hbz:466:1-70934](#)



REVERENDISSIMI & AMPLISSIMI,
EXCELLENTISSIMI ET ILLUSTRISSIMI , PERIL-
lustres, Nobiles , Strenui, Consultissimi , Spectatissimi
ac Expertissimi , Anterioris Austriae Incliti Status
Provinciales, Ecclesiastici , Equestres , & To-
parchico - Urbici , per districtum
Brisgoiae.

DOMINI DOMINI,

Mecenates Venerandissimi.



UO amore jam multis abhinc Secu-
lis Austriae Archi - Duces , & ex his
Austriae Archi - Ducibus à Deo ve-
riùs, quàm horaine electi *Imperato-*
res Austriae prosecuti fuerint , quo
item amore prosequantur etiam-
num Literarum studia , testantur
abundè Academiæ complures , Ly-
cea , Gymnasia & Seminaria per-
multa in Austria, Bohemia , Hungaria , Tyroli, Carinthia ,
Carniola, Silesia &c. maximis eorum sumptibus erecta , &
constantissimè conservata. Inter easdem Academias lo-
cum haud postremum sibi meritò vendicat Academia hæc

nostra, quam circa annum 1460. Archidux Austriæ Albertus liberalissimus Mecænas velut arcem munitissimam contra ignorantiae & hæresum maximè insultus erexit, & eidem, ut erecta staret constantissimè, munificentissimè providit. Ipsa igitur pro fundamento solidissimo accepit munificentiam Archi-Ducum Austriæ perpetuam, ipso angulari lapide continua Austriacorum Imperatorum Serie, quæ sicut ipsa per Divini Numinis singulare beneficium nunquam rimas aget, ita nunquam facile ruet Academia nostra, nisi ruinam patiatur genus mortalium universum. Placuere Vobis, Patroni Reverendissimi, Excellentissimi &c. præter exemplum hoc litterarum exempla alia multa ad stabilitatem permoventia in Vestris Capitibus Augustissimis tantoperè, ut ab eo tempore, quo ab Imperatore Maximo Maximiliano I. in *Tres* diversos, concordes tamen Ordines fuitis divisi ac collocati, *Tres Brisgoia Status*, trium instar columnarum solidissimorum steteritis nunquam non firmissimi, quia subjectissimi ac devotissimi Austriæ Orientali, et si Vobis sæpè imminuerit, & toto pondere incubuerit vicina Francia Occidentalis. Quandiu autem ita stetistis, cadere penitus nec voluit, nec potuit Athenæum hoc nostrum; quin imò dimidia sui parte ita stare & ambulare didicit, ut pars altera Constantiæ disceret amplius sub Austriacorum scuto servare constantiam. Constantiæ dein Friburgum redeundi copiam dum impetravit idem Athenæum nostrum, vobis verò ex vestris ruinis caput erigere non nihil datum fuit, et si ære alieno eoque copioso vosmetipsos gravatos nosceritis, Reipublicæ tamen Literariæ

riæ augmentum & ornamentum addere, quoad fieri potuit,
quamprimum libuit vobis ; quamvis longissimè diversæ ab
hac vestra sententia mentis fuerint haud pauci viri , consilio
& opere alias nequaquam infirmi, aut infimi. Inter orna-
menta literarum , aut augmenta minimum numerare vo-
bis placuit *rерum aut temporum Magistrum Historiam* , tum
sacram , tum profanam , ut juventus Catholica identidem
disceret amplius & amare & æstimare , mirari atque imitari
egregia facinora, ea verò imprimis , quæ memoriæ nostræ
mandanda reliquère Romani Pontifices , Romanorum
Imperatores , Catholici ac Christianissimi Reges , Imperii
Electores , Duces , Viri Principes &c. & quemadmodum
hic Vester in rem Historicam Amor placuit literarum
scientiarum Amantissimo Imperatori nostro CAROLO
VI. ita quidem , ut Statuum Anterioris suæ Austriæ
sibi demississimè oblatam de nova literarum fundatione sen-
tentiam Decretò publico firmârit quamprimum ; sic pro-
fectò vel ipsis , qui in cœlo nunç gloriosissimi triumphant
Austriaci Archi-Duces & Imperatores , si cum Invictissi-
fimo Cæsare Nostro CAROLO etiamnum orbi im-
perarent, probata fuisset eadem de Historia publicè traden-
da mens ac sententia. Liceat sic divinare, aut verius narra-
re Historico ; quæ enim studia Imperatores , dum morta-
lem vitam vixerunt , adeò amârunt & æstimârunt rerum
æstimatores æquissimi , ut eadem ipsimet præclarè didice-
rint, procul dubio isthæc studia amarent & æstimarent his
nostris doctissimis Seculis. Atqui permultos numerare est

X 3

vel

vel ipsos inter Imperatores & Austriacos Archi-Duces', qui Historiographos ita amârunt & æstimârunt , ut non modò typis impressas Historias ipsi persæpè legerint , sed etiam suamet Augusta manu quidam eorum Historias scriferint. Non repetam hic Carolos, Leopoldos, Ferdinandos, Maximilianos, Fridericos &c. de quibus in Austriae Historia hoc & prioribus annis publicè tradita ter quatérve audivimus , quantum horum vel singuli *Lectioni Historiarum* crebrò repetitæ tribuerint ; unius Archi - Ducis Ottonis mentionem uberiorem hic attendere lubeat , de quo præter Card. Bellarminum Scriptores non pauci hunc fermè in modum scripserunt: *Leopoldi Sandi Austriae Archi-Ducis pius filius: quinque Archi - Lucum frater Otto Frisingensis Episcopus, insigni nobilitate, pietate & doctrina: fuit enim Henrici IV. Imperatoris nepos, Henrici V. Imperatoris sororius, Conradi III. Imperatoris frater uterinus, Friderici I. Imperatoris patruus & hujus Historiographus, auctor clarissimus, qui libros VII. Chronicorum scripsit ab orbe condito usque ad annum Christi 1146., quibus addidit octavum librum permagnum de fine mundi, de Antichristi persecutione, de resurrectione mortuorum, de judicio finali, de gloria Beatorum, de suppliciis damnatorum.* Scripsit præterea libros duos de gestis Friderici I. Imperatoris &c. Tandem in ipso suo monasterio Cisterciensi, in quo Abbas quondam præcerat, animam Deo reddidit anno 1159. Romano Pontifici in cunctis obedientissimus , revocans in mortis articulo, si quicquam dixisset, aut scripsisset, quod Fidei Christianæ contrarium

trarium videri posset. Dum itaque Vos Reverendissimi, Excellentissimi & Illustrissimi &c Mecænates, studiis ex parte minimūm æmulari Austriacos Imperatores & Archiduces in erigendo studio Historico, & hanc ob rem munificentiam vestram denuo exhibuistis illis maximè, quibus volupe fuerit ad audiendas & legendas Historias seriò incumbere; Hinc non pauci in hujate Academia discipuli, Historiæ studiosi, Clientes Vestri, Vestra liberalitate etiam sibi frui licere, gaudent plurimūm, simûlque optârunt, ut primum hunc libellum Vestris liberalissimis Manibus suo etiam nomine offerrem demississimè, pro beneficiis gratias referrem maximas, & unà mecum ipsos Vestris favoribus penitus consecrarem, dicarem & dedicarem.

**Reverendiss. Excellentiss. Illustriss. &c. &c.
Dominationum Vestrarum**

**Cliens ac Servorum infimus
Gregorius Kolb S. J.**

XX

PRÆ-